

萬有文庫

第二集七百種

王雲五主編

律呂正義

(九十)

清康熙 欽撰

商務印書館發行

義 正 呂 律

(九十)

撰 敕 隆 乾 熙 康 清

萬有文庫

第二集七百種

總編纂者

王雲五

商務印書館發行

御製律呂正義後編卷之二十四

祭祀樂二十四

先農壇



先農壇

自古帝王留心民瘼。曷嘗不敦本勸穡爲天下先。然藉田之禮。或舉或否。或有司行事而不必躬親。或行之京畿。而不能徧逮於九州四海之廣且遠。我

世宗憲皇帝敬

天勤民。歲舉耕藉。於古者三推之禮有加。且

命直省大吏。及州郡縣衛守土之有司。並營官藉。以昭力穡勸農之至意。大禮肇舉。首祀

先農。此自古未有之鉅典也。我

皇上纘承

大業遵述

鴻猷念

壇中所用之樂。向例遣官致祭。則奏慶神歡。係和聲署承應。未足以展重農祈歲之誠。

特命有司改用中和韶樂。祝史正詞。太常協律。釐其節奏。垂冊府焉。

先農壇祭儀

歲二月。若三月吉亥。

皇帝舉耕耤禮。親祭

先農壇。屆期鹵簿大駕全設。王以下各官。俱朝服。陪祀大臣官員。預於

壇前兩旁排立。祇候。陪祀王公在壇外排立。候

駕至隨行。不陪祀王以下各官。在

午門外排立。候

駕出跪送。辰初二刻。太常寺堂官一員。奏請

皇帝御禮服。出宮乘輦。

午門鳴鐘。不作樂。

皇帝至

壇。於鋪棕薦處降輦。贊引官對引官恭導。

皇帝至盥手處盥手畢。陞

壇。至拜位前立。鴻臚寺官引王以下陪祀各官於

壇下排立。典儀官唱樂。舞生就位。執事官各司其事。司

樂官引武舞生執干戚進。贊引官奏就位恭導。

皇帝陞拜褥上立。典儀官唱瘞毛血迎

神。司香官捧香盒就

神位前跪。唱樂官唱迎。

神樂奏永豐之章。樂作。贊引官奏陞

壇。恭導。

皇帝詣香案前立。贊引官奏上香。

皇帝立舉炷香上爐內。又三上瓣香畢。贊引官奏旋位。

恭導。

皇帝旋位立。贊引官奏跪叩興。

皇帝行三跪九叩頭禮。

王以下各官俱隨行禮。

興。樂止。典儀官唱

奠帛。行初獻禮。獻帛爵官捧帛爵就。

神位前立。唱樂官唱初獻樂。奏時豐之章。樂作。武舞生

奏舞。獻帛爵官詔

神位前。獻帛官跪獻三叩頭。獻爵官跪獻於案上正中。不叩退。讀祝官就祝案前一跪三叩頭。捧祝版跪。俟於案左。樂停。舞者皆跪。贊引官奏跪。

皇帝跪。贊讀祝。讀祝官讀祝畢。捧祝版至。

神位前跪。安於帛匣內。三叩頭退。樂作。贊引官奏叩興。皇帝行三叩頭禮。土以下俱隨行禮。興樂止。武舞生退。司樂官引文舞生執羽籥進。典儀官唱行亞獻禮。獻爵官如初獻儀就前立。唱樂官唱亞獻樂奏。咸豐之章。樂作。文舞生奏舞。獻爵官跪獻於案左。退。

樂止。典儀官唱行終獻禮。獻爵官如初獻儀就前立。唱樂官唱終獻樂奏大豐之章。樂作。獻爵官跪獻於案右。退。樂止。文舞生退。太常寺官一員就前。

唱

賜福胙。退。光祿寺官二員捧福胙向

神位前拱舉。捧至

皇帝拜褥右。接福胙侍衛二員至拜褥左。贊引官奏跪。皇帝跪。捧福胙。光祿寺官二員。接福胙侍衛二員亦跪。奏飲福酒。

皇帝受爵拱舉。授左旁侍衛。奏受胙。

皇帝受胙拱舉授左旁侍衛贊引官奏叩興。

皇帝行三叩頭禮興。王以下各官不隨行禮。次行謝福胙禮贊引

官奏跪叩興。

皇帝行二跪六叩頭禮。王以下各官俱隨行禮。興典儀官唱徹饌。

唱樂官唱徹饌樂奏屢豐之章樂作畢典儀官唱

送

神。唱樂官唱送

神樂奏報豐之章樂作贊引官奏跪叩興。

皇帝行三跪九叩頭禮。王以下各官俱隨行禮。興樂止典儀官唱

捧祝帛饌香恭送瘞位捧祝帛饌香官就

神位前跪。捧祝帛。官三叩頭。捧香饌。官不叩。各捧起。依次送往瘞位。贊引官恭導。

皇帝轉立拜位東旁。俟祝帛香饌過畢。贊引官恭導。

皇帝旋位立。典儀官唱望瘞。唱樂官唱望瘞。樂奏慶豐之章。樂作。贊引官奏詣望瘞位。陪祀王以下各官。兩旁排立。贊引官對引官恭導。

皇帝詣望瘞位立。數帛官數帛。祝帛瘞訖。贊引官奏禮畢。恭導。

皇帝陞具服殿。更黃龍袍補服。少憩。從耕三王九卿及不從耕王以下各官。俱更蟒袍補服。

皇帝耕藉犁鞭青箱綵亭三座。三王九卿青箱綵亭四座。陳設綵棚外左右和聲署司官。帶領署官署史齊集綵棚南。頂帶老人四名。歌禾詞者十四名。司鑼司鼓司板司笛司笙司簫者各六名。立綵棚內。衣簑戴笠而執杈杈。掀箒者二十名。立綵棚外。麾五色綵旗者五十人。順天府耆老三十四名。上農夫十人。中農夫十人。下農夫十人。俱兩旁排立。至吉時。禮部太常寺堂官奏請。

皇帝詣耕藉位。和聲署司官舉旗三麾。各執事齊赴綵棚下。從耕三王九卿各就耕位立。不從耕王以下。

各官俱在綵棚外分翼排立。前引十大臣禮部太常寺堂官恭導。

皇帝詣耕藉位南向立。鴻臚寺官贊進犁。戶部堂官北向跪進犁。

皇帝右手受犁。贊進鞭。順天府府尹北向跪進鞭。

皇帝左手受鞭。耆老二人牽牛。上農夫二人扶犁。禮部太常寺鑾儀衛堂官恭導。

皇帝行耕藉禮。是時彩旗招颺。禾詞發歌。唱和隨行。諸樂俱奏。順天府官執青箱。戶部堂官隨後播種。

皇帝三推三返。禮成。鴻臚寺官贊接犁。戶部堂官跪接。

犁。贊接鞭。順天府府尹跪接鞭。及青箱各置綵亭內。樂止。和聲署司官帶領署官署史等退。由綵棚南至

齋宮祇候。禮部堂官奏請

御觀耕臺。禮部太常寺堂官由中階恭導

皇帝御觀耕臺南向坐。不從耕王以下各官分翼排立。次三王各五推五返。各用耆老一人牽牛。農夫二人扶犁。順天府廳官隨後播種。耕畢。三王退。就本班立。次九卿各九推九返。各用耆老一人牽牛。農夫二人扶犁。順天府廳官及兩縣各官隨後播種。